

FADA: Un fundacion cu ta coopera pa haci di Aruba un Pais liber di droga

ORANJESTAD(AAN) — Ultimamente FADA a bin hopi den publicidad relaciona cu e diferente actividadnan y proyectonan educativo cu FADA ta ejecutando ariba tereno di prevencion di droga na Aruba.

FADA ta contribui, igual cu otronan preocupa, pa haci di Aruba un pais sigur y liber di droga.

Diariamente directiva di FADA ta ricibi comentarionan ariba nan actividadnan y proyectonan; mayoria di e comentarionan aki ta positivo y estimulante pa FADA continua cu su trabao. Gobierno tambe ta elogia FADA pa su meritonan.

FADA tambe ta ricibi critica, manera: "FADA no ta haci suficiente", of "FADA no ta actua agresivo den combatimento di droga" of "FADA no ta atende drogadictonan". Hopi biaha e critica aki no ta ser argumenta.....of e personanan concerni ta mal informa of falta informacion encunto FADA como organisacion y cu ocupacion. Algun ehempel pa ilustra esaki:

Tin persona cu ta kere cu FADA ta un organisacion di Gobierno of FADA ta worde subsidia pa Gobierno;

Tin persona cu ta kere cu FADA tin por ehempel, un propio oficina, equipo di trabao y un of mas funcionario den servicio;

Tambe tin persona cu ta kere cu FADA ta (tambe) un organisacion pa atende drogadictonan y/of un organisacion pa persigui narco-trafficantenan.

Durante e proximo simannan FADA lo bini cu diferente articulonnan pa

informa publico en general encunto FADA como organisacion y su actividadnan educativo-preventivo. Esaki ta e promer articulo di FADA caminda lo trata e dos creencianan ariba menciona.

FADA ta un fundacion sin subsidio di Gobierno, sin funcionario den servicio y sin oficina y sin telefoon.

Personanan cu si ta bon informa encunto FADA y su ocupacion real sa cu:

a. FADA no ta un instancia di Gobierno! Fada ta un fundacion cu un propio directiva; FADA a ser lanta pa un grupo di mayornan preocupa na October 1984.

FADA tampoco ta ricibi ningun subsidio di Gobierno. FADA ta depende di su propio entradanan door di bende T-shirts, tas, sticker, etc., y e donacionnan cu FADA ta ricibi durante e periodo 1984-1987.

FADA ta gradici tur esnan cu ta sostene e fundacion cu placa. Sin nan sosten financiero FADA no por cumpli cu su tarea; FADA ta sigui conta cu nan apoyo.

b. Pa falta di finanzas (subsidio di Gobierno) FADA no por tuma ningun funcionario profesional den servicio. Pa e mesun motibo FADA te cu awe no tin ni oficina, ni telefoon.

FADA ta depende solamente di su miembronan den directiva y demas personanan cu voluntariamente ta yuda FADA cu nan conocimiento, nan entusiasmo y nan tempo liber. Otro personanan of instancianan cu kier coopera cu FADA su tra-

baio ta hopi bon bini. c. Tarea principal di FADA segun statutonnan ta educacion y prevencion di droga, esta concientisa, informa un y tur pa no usa droga, tampoco abusa di alcohol y/of trabao.

Ta mas cu claro cu FADA su so no por cumpli cu e tarea di educacion y prevencion di droga. FADA ningun momento no ta kita e responsabilidad civilico di ningun persona of instancia, tampoco di Gobierno pa loke ta toca educacion y prevencion di droga. Contrario, FADA semper a haci un suplica fuerte na un y tur, especialmente na mayornan, maestronan di school, instructornan di deporte y demas personanan cu ta eherse un tarea (actividad) educativo pa nan sigui educa, combersa y splican nan muchanan encunto e peligranan di droga y drogadiccion.

Laga nos tur hunto siña nos yiu, alumno, sobrino sobrina, etc., bisa: "ami ta keda leu for di droga, pasobra droga ta malo pa mi salud, pa mi famia y pa Aruba! P'esey ami ta bisa: droga no!".

Fada ta di opinion cu

Gobierno mester bira hopi mas activo cu propio accion y medidan pa combati droga/drogadiccion, narco traficacion y tambe educacion y prevencion di droga. FADA lo explicita e opinion aki den siguiente articulonnan.

Sinembargo FADA mester admiti cu Gobierno ta cooperando cu FADA, por ehempel cu e diferente spotnan na Tele Aruba pa alerta publico di e peligranan di droga/drogadiccion!

Mas di 700 Lider di Cont. di pag. 13

droga pa Hulanda;

-cu articulonnan den corantnan prestigioso na Hulanda ta considera Aruba como un paraiso nobo pa contrabanda di droga;

-cu na Ecuador, Colombia, Venezuela y Merca e bon number di Aruba ta ser mancha pa motibo di traficacion di droga;

-cu embahador di Estados Unidos na Hulanda a expresa na mas cu un ocasion cu gobierno Americano ta opina

cu gobierno di Aruba ta tolerante den su maneho di combatimento di droga;

-cu durante interrogacion di un abogado Arubiano na Hulanda number di presidente di Staten di Aruba a ser menciona relaciona cu trafico ilegal di droga y arma;

-cu e asunto aki a sali den publicidad y apesar cu Ministro di Husticia a bisa cu presidente di Staten lo entrega un keho esaki no a socode;

-cu como partido nos mester haci tur local ta posible pa defende bon number di nos pais y cuida bienestar fisico y mental di nos pueblo, muy en especial di nos hubentud cu nos pais ta depende di dje den futuro;

-cu uso di droga bao di nos hobennan ta tumando formanan alarmante;

-cu gobierno di Aruba no ta haciendo nada pa promove practica di deporte cu por ta un instrumento importante pa tene nos hobenan leu for di droga;

Ta dicidi

1. Pa urgi gobierno duna splicacion di presencia di acetona den nos haf, su procedencia y su destinacion.

2. Pa pidi gobierno haci combatimento efectivo di droga su prioridad number uno

3. Pa pidi gobierno pone fondonan adicional disponible pa drecha y traha facilidatnan di deporte y fomenta practica di deporte den e mas amplio sentido di palabra.

Esaki pues tabata local di diferente miembronan di MEP a trece padilanti den e congreso cu a conoce un Cas di Cultura completamente yen.



Horoscopo

ARIES

Maart 21 - April 19

Ta posible cu awe lo bo topa cu e persona di bo soño. Sinembargo ta aconsehabla pa no traha fantasianan di biaha.

Number di suerte awe: 56

TAURUS

April 20 - Mei 20

Esun cu inicia un relacion di tipo sentimental ta biba momentonan inolvidable.

Number di suerte awe: 78

GEMINI

Mei 21 - Juni 20

Di bo capacidad, y ariba tur cos di bo boluntad, ta depende e bon recurso di bo trabao. Come menos.

Number di suerte awe: 79

CANCER

Juni 21 - July 22

Awe no ta bon dia pa negoshi. Spera un poco no risca sin necesidad. Prepara pa bo confronta un problema cu bo a causa sin sa.

Number di suerte awe: 32

LEO

July 23 - Augustus 22

Bo ta haya den un amigo e apoyo cu bo tabata tin mester. No teme, bo corahe ta cu bo tur caminda.

Number di suerte awe: 17

VIRGO

Augustus 23 - September 22

Un amor bieu tin gana di bolbe. Trata di papia cu ne y compronde loke a pasa cu ne, prome cu bo tuma un decision

Number di suerte awe: 54

LIBRA

September 23 - October 22

Tene hopi pasenshi awe. Tin un persona cu lo bay ta fastioso awe, ya cu e tin cierto duda ariba bo.

Number di suerte awe: 83

SCORPIO

October 23 - November 22

Momento ta bon pa probecha di e oportunidadnan cu ta presenta. Ilusionnan nobo ta na gran cantidad den bo awe.

Number di suerte awe: 44

SAGITARIUS

November 23 - December 21

No worde hiba pa un nerviosismo descontrola. Trata di tene pasenshi y tur cos lo marcha bon.

Number di suerte awe: 12

CAPRICORNIO

December 21 - Januari 19

Dia excelente pa bo hiba dilanti bo, proyectonan. Quiza awe lo bo haya e "si" bo tabata spera.

Number di suerte awe: 35

ACUARIUS

Januari 20 - Februari 18

Momento magnifico pa bo dicidi di e hopi asuntonan cu bo tabata tin pendiente. Para firme cu bo plannan.

Number di suerte awe: 46

PISCES

Februari 19 - Maart 20

Bo trabao ta avanza sin dificultadnan. Bo companianan ta amable y comprensivo cu bo awe.

Number di suerte awe: 09

Telefoonnann di Diario

Tel: 26747

Tel: 22207

Tel: 35026